

## ԿԱՆՈՆԱԴՐՈՒԹՅՈՒՆ

### ՀՀ ՈՍՏԻԿԱՆՈՒԹՅԱՆ ԿՐԹԱՀԱՄԱԼԻՐԻ ՏՆՏԵՍԱԿԱՆ ԲԱԺՆԻ

#### 1. Ընդհանուր դրույթներ

1.1. ՀՀ ոստիկանության կրթահամալիրի տնտեսական բաժինը (այսուհետ՝ բաժին) ՀՀ ոստիկանության կրթահամալիրի (այսուհետ՝ կրթահամալիր) կառուցվածքային ստորաբաժանում է, որի հիմնական նպատակը կրթահամալիրում տնտեսական գործունեության ապահովումն է:

1.2. Բաժինը իր գործունեության ընթացքում ղեկավարվում է ՀՀ Սահմանադրությամբ, ՀՀ օրենքներով, «ՀՀ ոստիկանության ակադեմիա» պետական հիմնարկը վերակազմակերպելու և «ՀՀ ոստիկանության կրթահամալիր» պետական ոչ առևտրային կազմակերպության կանոնադրությունը հաստատելու մասին ՀՀ կառավարության որոշումով, ՀՀ ոստիկանության պետի հրամաններով, ՀՀ կառավարության որոշումով, ՀՀ ոստիկանության կրթահամալիրի ներքին իրավական ակտերով, սույն կանոնադրությամբ և այլ իրավական ակտերով:

1. Բաժնի լրիվ անվանումն է.

Հայերեն՝ «Տնտեսական բաժին»:

Ռուսերեն՝ «Хозяйственный отдел».

Անգլերեն՝ «Maintenance department».

2. Բաժինը, որպես ՀՀ ոստիկանության կրթահամալիրի կառուցվածքային միավոր, ստեղծվում, վերակազմակերպվում և լուծարվում է ՀՀ ոստիկանության պետի հրամանով:

1.3. Բաժինը, սույն կանոնադրությամբ սահմանված խնդիրների լուծման նպատակով, համագործակցում է կրթահամալիրի այլ կառուցվածքային ստորաբաժանումների հետ:

1.4. Սույն կանոնադրության հաստատվում է, նրանում փոփոխությունները և լրացումները կատարվում են ՀՀ ոստիկանության կրթահամալիրի պետի հրամանով:

## **2. Բաժնի խնդիրներն ու գործառույթները**

### **2.1. Բաժնի խնդիրներն են.**

2.1.1. Կրթահամալիրի տնտեսական բաժնի աշխատանքների կազմակերպում և իրագործման համար բոլոր մակարդակներում տնտեսական աջակցության ապահովում:

### **2.2. Բաժնի գործառույթներն են.**

2.2.1. Իրականացնում են ՀՀ ոստիկանության կրթահամալիրում տնտեսական ոլորտի աշխատանքներ

2.2.2. Կազմակերպում են ՀՀ ոստիկանության կրթահամալիրի մշտական և փոփոխական անձնակազմի՝ հանդերձանքի, սպառազինության և հատուկ միջոցների ապահովման աշխատանքները

2.2.3. Իրականացնում են ՀՀ ոստիկանության կրթահամալիրի տարածքների և շենք-շինությունների էլեկտրական էներգիայի, խմելու և ոռոգման ջրի, բնական գազի մատակարարման աշխատանքները

2.2.4. Կազմակերպում և իրականացնում են ՀՀ ոստիկանության կրթահամալիրի ջեռուցման համակարգի, սառեցման համակարգի, կապի և • վերելակների անխափան և անվտանգ շահագործման աշխատանքները

2.2.5. Կազմակերպում և իրականացնում են ՀՀ ոստիկանության կրթահամալիրի տարածքների և շենք-շինությունների, սանհանգույցների և սանիտարահիգիենիկ պայմանների մաքրության աշխատանքները

2.2.6. Կազմակերպում և իրականացնում են ՀՀ ոստիկանության կրթահամալիրի կողմից շահագործվող տրանսպորտային միջոցների անխափան և անվտանգ շահագործման աշխատանքները

2.2.7. Կազմակերպում և իրականացնում են ՀՀ ոստիկանության կրթահամալիրում կոնֆերանսների, կուլտուրամասայական միջոցառումների, շքերթների, զորահանդեսների, տարբեր հանդիպումների անցկացման աշխատանքները

Բաժնի անմիջական ղեկավարումը իրականացնում է բաժնի պետը, որը նշանակվում է ՀՀ ոստիկանության պետի հրամանով:

#### **Բաժնի պետը՝**

1. Պլանավորում, կազմակերպում, և վերահսկում է բաժանմունքի ընթացիկ գործունեությունը:

2. Կրթահամալիրի խորհրդում հանդես է գալիս համապատասխան հաշվետվություններով և զեկույցներով:

3. Ապահովում է բաժնի հիմնական գործառույթների իրականացումը, լուծում դրանցից բխող հիմնախնդիրները, աշխատողներին տալիս համապատասխան ցուցումներ և հանձնարարականներ, ապահովում է այլ ստորաբաժանումների հետ բաժանմունքի փոխգործակցությունը:

4. Ստորագրում է բաժնքի անունից պատրաստվող փաստաթղթերը, բաժնի լիազորությունների շրջանակներում նախապատրաստում է զեկուցագրեր, տեղեկանքներ, հաշվետվություններ, առաջարկություններ և այլ գրություններ:

5. Բաժնի առջև դրված խնդիրների լուծման հետ կապված՝ կարող է հրավիրել խորհրդակցություններ, ըստ անհրաժեշտության կրթահամալիրի պետին է ներկայացնում համապատասխան զեկույց և առաջարկություններ՝ բաժնի գործունեությանն առնչվող այլ ստորաբաժանումների կողմից կատարվող աշխատանքների վերաբերյալ:

6. Կազմակերպում և հսկում է բաժնում տարվող գործավարությունը, իրականացնում է բաժնի խնդիրների լուծման հետ կապված այլ աշխատանքներ:

7. Բաժնի պետի և կազմի այլ աշխատակիցների գործառութային պարտականությունները հաստատվում են ՀՀ ոստիկանության կրթահամալիրի պետի կողմից:

8. Բաժնի աշխատակիցների իրավունքները և պարտականությունները սահմանվում են ՀՀ օրենսդրությամբ և աշխատանքային (ծառայությունների վճարովի մատուցման) պայմանագրով, սույն կանոնադրությամբ, ներքին իրավական ակտերով և սահմանված կարգով հաստատված այլ փաստաթղթերով:

### **Բաժնի աշխատողները**

1. Բաժնի աշխատողներն աշխատանքի ընդունվում և ազատվում են ՀՀ ոստիկանության պետի և ՀՀ ոստիկանության կրթահամալիրի պետի հրամանով:
2. Բաժնի աշխատողները կատարում են իրենց անմիջական ղեկավարի հանձնարարականները, աշխատանքային պայմանագրով (առկայության դեպքում՝ պաշտոնի անձնագրով), ներքին կարգապահական կանոններով և այլ իրավական ակտերով սահմանված պարտականությունները և

պատասխանատու են դրանց կատարման համար: Բանժնի աշխատողներն իրականացնում են Բանի գործառույթներից բխող աշխատանքներ: Բանժնի աշխատողները օգտվում են ՀՀ օրենսդրությամբ, ինչպես նաև ՀՀ ոստիկանության կրթահամալիրի կանոնադրությամբ, ներքին կարգապահական կանոններով, աշխատանքային պայմանագրով (առկայության դեպքում պաշտոնի անձնագրով) ամրագրված իրավունքներից:

3. Բանժնի աշխատողները պարտավոր են ենթարկվել ՀՀ աշխատանքային օրենսդրությանը, ՀՀ ոստիկանության կրթահամալիրի ներքին կարգապահական կանոններին, ինչպես նաև աշխատանքային էթիկայի կանոններին:
4. Բանժնի կառուցվածքը և հաստիքացուցակը հաստատվում և փոփոխվում է ՀՀ ոստիկանության պետի և ՀՀ ոստիկանության կրթահամալիրի պետի հրամանով:

### **Եզրափակիչ դրույթներ**

Սույն կանոնադրությունը, դրա փոփոխությունները և լրացումները հաստատվում են ՀՀ ոստիկանության կրթահամալիրի պետի հրամանով: